

رمضان غيّرني .. #الطريق_إلى_الله .. د. حازم شومان

حازم شومان

السلام عليكم ورحمة الله وبركاته. الحمد لله حمدا كثيرا طيبا مباركا فيه. كما يحب ربنا ويرضى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على حبيب قلوبنا. اللهم صل على طبيب قلوبنا. اللهم صل على عبدك ونبيك -

00:00:00

وحبيبك محمد صلى الله عليه وسلم عدد خلقك ورضا نفسك وزنة عرشك ومداد كلماتك ثم اما بعد عايزين يا اخوانا النهاردة نضرب مثل في البداية لاسرة كانت الام محتاجة انها تعمل عملية على وجه السرعة والا ممكن تموت فيها. البنت خطيبها اتقدم لها وعايضا تجهز وما عهاش فلوس - 00:00:20

تجيب الجهاز. الابن عايز ياخذ دروس خصوصية والا هيسقط وهيترفد من الكلية بتاعته. الاب لقي البيت كله مشاكل قال لهم انا هاسافر وهابعت لكم كل فترة في جواب حل كل مشاكل - 00:00:40

حياتكم. بدأ الاب بعد فترة يبعث لهم اول جواب. مسكوا الجواب ده اللي في حل مشاكل حياتنا. الام تبوسه. والبنت تبوسه. والابن يبوسه يحطوه على راسهم ولا المشاكل حياتنا لسة الام لسة تعبانة. والابن هيسقط والبنت لسة ما فيش حاجة جت. مش ابونا قال لنا ان ده فيه حل لكل مشاكل حياتنا. بعث لهم جواب تاني. طب هنعمل ايه ؟ هنعط - 00:00:50

في علة قطيفة بقى ونحطها كده والعلبة القطيفة ديت وهنعط الجواب ده في سلسلة ما شاء الله واختنا تلبسها كمان وخلص بقى بالتاكيد مشاكل حياتنا هتتحل يا اخوانا العالم ديت مشاكل حياتها مش هتتحل ليه ؟ لان الحل انهم يفتحوا الجواب. الحل انهم يطلعوا الفلوس اللي جوة الجواب. كذلك كتاب الله المصحف - 00:01:10

حياتنا عمرها ما هتتحل لما نفتح المصحف. عمرنا ما هتتغير لما لما نفتح كتاب ربنا سبحانه وتعالى. عشان كده مش هتتغير مشاكل الدنيا الا اما نفتح الجواب. مش هتتغير مشاكل ديتنا وديننا الا اما نفتح المصحف. رمضان غيرني. رمضان غيرت ده الشعار بتاعنا الليلة. ده الشعار من احد - 00:01:30

الشعارات اللي هندخل بها رمضان السنة دي ان شاء الله. رمضان اكبر فرصة للتغيير. اكبر فرصة انك تتغير انك تتغيري تغيير من جوة. تغيير حقيقي. اكبر فرصة يا جماعة ان احنا - 00:01:50

يبقى في الصورة اللي نتمنى من سنين ان احنا نبقي فيها. رمضان غيرني لما يوشع النون يوشع النون رضي الله عنه عليه السلام لما راح يفتح فلسطين ومعه الجيش ولقى الشمس بتغيب. بص للشمس كده عايز يدخل فلسطين باي طريقة. بص للشمس قال لها انت مأمورة. وانا - 00:02:00

مأمور اللهم اوقفها علينا. احنا عايزين يا جماعة السنة دي نقول لربنا في كل نهار رمضان. وفي كل ليل لرمضان. اللهم علينا. مش عايزين رمضان يروح يا رب. رمضان بغيرنا. بغير قلوبنا. بغير كل شيء في حياتنا. بيدي لحياتنا كل حاجة طعم. مش عايزين رمضان يخلص يا رب - 00:02:19

رمضان اكبر فرصة للتغيير. هنتكلم الليلة ازاى نتغير في رمضان ؟ ايه اللي هيغيرنا في رمضان ؟ عشان من الوقت يا جماعة. الموضوع استقتل يا جماعة ده ده رمضان يا جماعة. ده الفرصة - 00:02:39

الاساسية لنا في السنة كلها. اول حاجة اتغيرنا في رمضان القرآن. القرآن اكبر حاجة بتغيرنا في رمضان. المشهد الاولاني اللي نبدأ به حلقة الليلة. مشهد يوم القيامة قبل بداية القيامة بسواني ساعة ما القبور بتبدأ تتجمع فيها الاجساد. وساعة ما الاجفان بتتمزق من

تحت التراب. عارفين لما واحد بيدفن وهو عايش - 00:02:49

بس ضاع في غيبوبة حسبه ميت يصحى يلاقي نفسه في قبر هو ده اللي هيحصل لنا كلنا يوم القيامة. كل واحد يصحى يلاقي نفسه في قبر ايه ده؟ هو انا فين؟ وبعد كده ينشق القبور - 00:03:09

يطلع يلاقي ظلام رهيب. يعني انا انا طلعت من امر القبر ولا ايه؟ بس الفرق ان القبر الثاني الكبير ده فيه اصوات حواليه ما هوش شايف حاجة. تخيل في الموقف ده وانت - 00:03:19

ومفزوع والحر والعرق والنار والملايكة والصراخ على اليمين والشمال. تخيل في المنزر ده لقيت واحد واقف لك على باب القبر بيقول لك ما تخافش انا صاحبي انت مين؟ انا صاحبك. انت مين؟ انا صاحبك القرآن. انا القرآن زي ما سبتنيش في الدنيا مش هسيبك النهاردة. ما اناش - 00:03:29

سيبك ما فيش صاحب بيسيب صاحبه ابدأ. مين اللي صاحب للقرآن يا جماعة؟ مين فينا اللي هيلقي القرآن مستنيه وهو طالع من القبر؟ فاكرين عباد ابن بشر؟ لما حبيب الله صلى الله عليه وسلم - 00:03:49

كلفه انه يحرس الجيش والناس نابت. وقف عباد يقوم الليل بالقرآن. وقف يرتل القرآن. واحد من المشركين شافه. رمى عليه سهم. ما هو ده الحارس بتاع الجيش رمى عليه سهم انا متخيل لما السهم غرز في جسمه يا ترى جه في جنبه جه في كبده جه في ضلع من ضلوعه كسرهما له جه في دراعه جه في رجله جه فين السهم - 00:03:59

بدأ الدم ينزف. بدأ الألم يزيد. وعباد مش عايز يسيب المصحف. ما هوش عايز يسيب كلام ربنا سبحانه وتعالى. ما هوش عايز يسيب القرآن وهو بيتلوه. بدأ يرمي عليه سهم - 00:04:19

تاني السهم اتكسر عضم كسر ضلع الألم زاد الدم زاد النسل زاد وعباد ابن بشر مش راضي يسيب القرآن مش راضي يبطل قراءة للقرآن انا صاحبك القرآن زي ما ما سبتنيش في الدنيا مهما كانت الزروف مهما كانت الانشغالات مهما كان ده حبيبك ده صاحبك ده رفيقك في الدنيا والاخرة - 00:04:29

السهم التالت اتضرب في عبان ابن بشر. خلاص بدأ يحس ان هو هيموت. خلاص هيموت. الجيش هيتكشف. لو انا مت انا حارس الجيش. سلم من الصلاة وراح نبه الجيش ان هو بيضرب بالسهاب. يا جماعة انا صاحبك القرآن يا ترى كم واحد فينا هيسمع الكلمة دي يوم القيامة وهو طالع من قبره؟ مين اللي صاحب القرآن؟ مين اللي هيصاحب - 00:04:49

القرآن عصى موسى اللقوة ولا كتاب ربنا؟ عصى موسى اية واتشق بها البحر. القرآن اقوى من عصا موسى بنص حديس رسول الله صلى الله عليه وسلم ان القرآن اقوى من اي اية اوتيتها اي نبي. يعني القرآن ممكن يشق قلبك ويشق جبال المعاصي اللي فيه. والغفلة اللي فيه اشد ما اي حاجة. مو اشد - 00:05:09

موسى ممكن تشق البحر لولا القرآن. لما بمسك كتاب من كتب الصحابة انبهر بانبهر بايه يا جماعة؟ مش بالصحابة. بنبهر بالقرآن. بنبهر بالكتاب اللي صنع البطولات دي بنبهر بالكتاب اللي كان سبب في ان خالد مسك تسع سيوف اتكسرت في ايديه في مؤتة وهو ما اتكسرش. بقت باهر بالكتاب اللي خلى انس ابن النضر يتقطع في احد وهو ما يستسلمش - 00:05:29

بنبهر بالكتاب اللي خلى مصعب ابن عمير وجعفر ابن ابي طالب يتقطع والراية ما تسقطش وما تسقطش الراية من ايديهم ابدأ. ده انبهر بالكتاب. اللي صنع عمر ابن الخطاب ومصعب وسلمان وصهيب وعمار بنبهر بالكتاب اللي خلدوه الابطال. الكتاب ده يا جماعة ممكن يخلينا كده. عطاء القرآن لسة ما انتهاش - 00:05:49

عطاء القرآن مخلصش يا شباب. عطاء القرآن لسة. يعني لولا القرآن ما كانش الصحابة قدروا يستبوا. ما كنتش امه شريك. شربوها العسل وبعد كده حطوها في ثلاث تيام بدون مائة هتموت من العطش. وبعد كده طردوها من مكة وسبتت وصبرت. يقول لك القرآن ما كانتش سبتت. لولا القرآن ما كانتش سمية جيفت - 00:06:09

ابنها وجوزها بيقولوا كلمة الكفر ارضاها ان الكفار عشان يبطلوا التعزيب فيهم. وهي ما رضتش تبطل ابدأ. وجه ابو جهل. عايزة تقول كلمة على النبي زي الباقيين قالوا كلمة اول ما طلب منها انها تقول كلمة على النبي بصقت في وشه فقام قتلها. لولا القرآن ما كانتش

سبتت. لولا القرآن يا جماعة ما كانتش زنيرة. جارية عمر ابن الخطاب - 00:06:29

على كوي ولها بالنار لغاية ما عماها. قبل ما يسلم. لولا القرآن ما كانش خدام سبر على انهم ما حفروا له حفرة نار ونيموه فيه بظهره. فلقد قضاوا نارا ما اطفأها الا ودق ظهري. لولا القرآن ما كانوا يستحملوا. لما كان كانوا عبيد ان الصحابة كان فيهم عبيد. يجيبوا اللي كانوا يملكون الست - 00:06:49

يا حمو لغاية ما يحمر وهم بيصلوا يحطوا السيف على روسهم يطلع الدخان ويسقطه مغشي عليهم. لولا القرآن ما كانوا يستحملوا ما كانوا صبروا. ما كانوا قدروا اسبتم عايزين تسبتم عايزين تتغيروا عايزين تستحمل عايزين غفورة حقيقية للتغيير الشامل والكامل في حياتنا. رمضان يا جماعة - 00:07:09

رمضان غيرني غيرني بالقرآن. غيرني لما صاحبت القرآن فيه. غيرني لما عشت مع القرآن فيه. كل البطولات اللي طلعت من الصحابة كانت بسبب القرآن. كل السبات اللي طلع من الصحابة كان بسبب القرآن. كل الانجازات اللي فتحوا العالم بها كانت بسبب القرآن.

القرآن يا شباب عايزين نتغير السنة دي تغيير حقيقي. انا عايذ اكلكم - 00:07:29

قد ايه القرآن عاصفة هتغير قلبك. قد ايه القرآن هيزرع في قلوبنا مشاعر رهيبة. قد ايه القرآن هيزرع في قلبك طوفان مشاعر ايمانية قد ايه القرآن هيفريك من جوة وهيفريك من برة. قد ايه القرآن هيفريك كتلة حماس وايمان وانطلاق الى الله سبحانه وتعالى؟ القرآن غيرني. القرآن غيرني في رمضان - 00:07:49

برة رمضان. احنا عايزين من اول ما الحلقة تخلص نمسك كتاب ربنا ونقعد ليل نهار معه. احنا عرفنا كنز حياتنا. عرفنا مفتاح تغييرنا. عرفنا سر التغيير الفيلا الكبيرة مفتاح الشقة مفتاح الباب بتاعها قد كده هو. حياتنا كلها. الجنة كلها مفتاحها. الكتاب ده اهو. عايزين - 00:08:09

كتاب قرآن يفتح قلوبنا ويفتح حياتنا ويفتح لنا باب للاتصال بالله سبحانه وتعالى. القرآن غيرني. القرآن بيغير فيك ايه؟ القرآن بيزرع فيك ايه انا عايذك دلوقتي تركزي معي. انا عايذك تركز معي عشان تعرف القرآن هيفرق معك قد ايه. القرآن هيربيك على انك تتربع انك تقول لربنا لأ في اي امر. في اي امر - 00:08:29

في اي حاجة ربنا يأمر بها تتربع لما يوريك نهايات اللي عصوا ربنا. نهايات اللي اتحدوا ربنا نهاية اللي عنده ربنا. نهايات اللي ادوا ضرهم لربنا. نهايات اللي قالوا لربنا - 00:08:49

ربنا يتقال له لأ. طب شف الاولاني حصل له ايه. كهشيم المحترز. والثاني كعصف المأكول. والتالت اعجاز نخل خاوية. والرابع اعجاز نخل منقاعة والخامس حصيدة خابضين. والسادس جفاء. والسابع غثاء. كلها. كل دول لانهم قالوا لربنا لأ. كعصف مأكول. عارفين لما البهائم - 00:08:59

كل ورق الشجر يتحضر في بطنها وبعد كده يخرج والعياذ بالله في عملية الاخراج. المنزر ده هو اللي وصلوا اليه. عارفين يعني ايه اعجاز نخل خاوية؟ عارف النخلة لما تتقطع راسها اهو ده اعجاز نخلة ساق نخلة من غير راس. الريح جت قطعت لهم رقبتهم. فصلت رقبتهم عن جسمهم. وبعد كده خاوية - 00:09:19

خويه يعني فتحت بطنهم طيرت احشائهم وامعائهم منها. بقت بطونهم فاضية. تخيلوا المنزر ده اللي قال لربنا لأ. اللي اتحدى ربنا كأنه حصيدا خامدين. حصيد حصيد يعني كان زرع مزهه وطالع ومنبت واتحصد كله. خامدين كانت نار موقدة مشعللة متوهجة - 00:09:39

واتطفت كلها. كانوا ايه ويقوا ايه ؟ لانهم قالوا لربنا لأ. انا باكلم مين ؟ انا باكلم كل واحدة متبرجة. واللي اداها فلوس التبرج. والاب اللي شجعها والام اللي لقيت لهم سيوها - 00:09:58

عشان تتجوز. والمحل اللي باع لها الهدوم. انا باكلم كل واحد فاتح مشروع دي جي. كل واحد فاتح قناة فضائية غير اسلامية. كل واحد فاتح موقع نت اغاني او موقع نت انحلالي - 00:10:08

كل شركة شرائط اغاني. كل مدرس بيعمل دروس مختلطة عشان الشباب والبنات ييجوا ياخدوا عنده. كل واحد بيعمل حفلات في

نوادي او في جامعات. عشان يفسد الشباب ويأخذ فلوس. انا بكلم كل مغني وكل ممسلة وكل واحد بيشترك في المعصية وكل مسئول يقدر يمنعهم ويمنعهمش. انا بكلم كل واحد بيفسد في - [00:10:18](#)

القرآن بيرعبك من عاقبة انك تقول لربنا لأ. القرآن بيربيننا على ايه ثاني؟ القرآن بيربيننا يا جماعة على ان احنا ما نقفش ابدًا. يبقى عندنا رهبة في الطاعة القرآن بيربيك على علو همة في مواجهة الشهوات ما لهاش حل ما فيش هوا تقدر توصل لك. ولا شهوة تقدر توصل لك شف ربنا بيقول عن سيدنا يوسف ايه. وراودته - [00:10:38](#)

التي هو في بيتها راودته يعني مش جات لك مرة. لا ده الفتنة جات لك مرة ورا مرة ورا مرة. قاعدة تروح وتيجي وتروح وتيجي وتلف حواليك. التي هو في بيتها - [00:11:00](#)

يعني الفتنة مش بعيدة عنك وبتبعك لك رسائل دا في وشك. دا انت شايفها متمكيشة متكحلة. شايف الفتنة متقشرة وجاية لك على صينية لغاية عندك. وراودته التي هو في بيتها - [00:11:10](#)

عن نفسه يعني الفتنة واضحة وصريحة وموجهة الهدف بتاعها وانت الهدف بتاعها. وغلقت الابواب يعني ما فيش منفذ. ما انتش لاقى مكان تهرب له. ما انتش لاقى صحبة سالحة تساعدك. ما انتاش لاقى بقية ايمان تحتويك. ما انتش لاقى حد يسمع مشاكلك. وغلقت الابواب وقالت هيت لك تهيات لك. اترينت لك. اتمكيجت لك - [00:11:20](#)

هيات نفسي كل حاجة ممكن ابهر قلبك بها بهرت قلبك به. كل حاجة ممكن ازين نفسي في عينك بها. زينت نفسي بعينك بها. انا الفتن يا جماعة جاية متمكيجة على الآخر. وقالت ايت لك. قال معاذ الله. القرآن بيربي الشباب. على ان يطلع شاب ويطلع فتاة. يقولوا لكل - [00:11:40](#)

فتنة معاذ الله. يقولوا لكل شهوة معاذ الله. يقولوا لكل فرصة معصية معاذ الله. القرآن بيربيننا. القرآن هيغيرنا. القرآن هي فجر الايمان اللي في قلوبنا. القرآن هيخلينا ماشيين في حياة نور على نور. القرآن هيخلي لك كل الشهوات اللي في الواقع دي ولا تأسر فينا. ولا تحرك شعرة صغيرة. من شعر ولا تعمل - [00:12:00](#)

فيك اي حاجة ولا فيك اي حاجة. القرآن بيربيننا يا جماعة على قوة علو الهمة في الطاعة. انك ما تقفيش. ان ما فيش حاجة اسمها توقف. ان من طاعة لطاعة. من طاعة - [00:12:20](#)

شف القرآن بيقول ايه يا جماعة! القرآن بيربيك انك ما تقفش في الدعوة ابدًا. سيدنا ابراهيم فما كان جواب قومه الا ان قالوا اقتلوه او حرقوه. اترمى في النار الاية اللي بعدها ايه؟ وقال انما اتخذتم من دون الله اوثانًا. قال انت لسه بتتكلم انت رموك في النار ولسه بتتكلم؟ انت يا خليل الرحمن بعد ما اترميت - [00:12:30](#)

اطفي النار لسه بتتكلم ما بيقفش. ما فيش حاجة اسمها توقف عن الدعوة. ما فيش حاجة اسمها توقف عن العبادة. واعبد ربك حتى يأتيك اليقين. يعني طول ما انت فيك نفس ولسه ما متش اعبد ربنا. طول ما انت لسه فيك نفس بيتردد في صدرك اعبد ربنا. سبح ربنا. القرآن بيربيك انك ما تقفيش. فاذا فرغت - [00:12:50](#)

اول ما تفرغ من اي طاعة انصب في الطاعة اللي تليها. ما فيش توقف في حياة المؤمن. المؤمن ما بيضيعش دقيقة يا جماعة. ما بيضيعش لحزة. القرآن بيربيك انك ما تتوقفش في طلب - [00:13:10](#)

في العلم وقل رب زدني علما. ده مين ده؟ ده مين اللي يقول؟ النبي النبي بعد سنين من نزول جبريل عليه لسه عايز علم. يعني كان اعلم من اعلى اهل الارض دلوقتي عليه الصلاة والسلام لسه عايز ايه؟ لسه موسى بعد ما جبريل نزل له رايح في سورة الكهف يقطع المشوار الرهيب ده عشان يطلب ثلاث مسائل على ايد بشر مخلوق - [00:13:20](#)

ازاي يا جماعة؟ القرآن بيقول لك ما تقفش عند طلب العلم. ما تقفيش عن الدعوة. ما تقفيش عن العبادة. ما تقفوش عن الطاعة. سورة الكهف ذو القرنين حتى اذا بلغ - [00:13:40](#)

مغرض الشمس. يا نهار ابيض! مغرب الشمس. خلاص يا ذو القرنين. ده انت عملت انجاز ما فيش حد عمله في التاريخ. لا. مش هاقف ابدًا. حتى اذا مطلع الشمس لفة حوالين الكرة الارضية. يا زو القرنين انت عملت انجاز رهيب خلاص كفاية لا حتى اذا بلغ بين السدين

ما يبقفوش - 00:13:50

جماعة زي موسى والخضر فانطلق حتى اذا لقي غلاما فقتله. فانطلقا حتى اذا ركب في السفينة خرقتها. فانطلقا فانطلق ما فيش توقف. هو ده هو ده اللي عارف ربنا سبحانه وتعالى ما يبقفش ابدًا. ما بيستريحش. ما بياخدش اجازة يا جماعة. من الطاعة ما بياخدش اجازة. القرآن هخليك كده - 00:14:10

القرآن هخليكي كده. القرآن هيفرمطك من جوة. هيعمل فورمت لك من جوة هيفير كل حاجة في مشاعرك وافكارك وطموحاتك واهدافك ومنهجك وعزيمتك. يا اللي نفسك عزيمتك تبقى اقوى مما هي عليه. يا اللي نفسك ارادتك في طاعة ربنا تبقى اقوى. يا اللي نفسك حبك لربنا يزيد. يا اللي نفسك خوفك - 00:14:30

ربنا يعلى. يا اللي نفسك تبكي مرة من خشيتته. يا اللي نفسك تنبهر مرة وتبكي من جلاله. يا اللي نفسك تعيش مشاعر الصادقين. يا اللي نفسك لربنا القرآن هو اللي هيفيرنا. القرآن هو اللي هيوصلنا. القرآن هو اللي هخلينا من جوة زي السابقين اللي احنا بنسمع عنهم في القصص يا جماعة - 00:14:50

القرآن القرآن هيزرع في قلبك مشاعر ايمانية ما لهاش حل. تخيلوا لما بيكلمنا عن الآخرة بيزلزل قلوبنا. انا عايز قلبك يتزلزل وانت بتقري الآخرة. انا عايز قلبك يتزلزل وانت بتقرا آيات الجنة والنار. شوفوا ربنا سبحانه وتعالى سبحانه وتعالى بيقول ايه في آخر سورة ابراهيم؟ ولا تحسبن الله غافلا - 00:15:10

عما يعمل الظالمون. امال هتعمل فيهم ايه يا رب؟ شوفوا الكاميرا شوفوا بقت مصورة مين؟ ومركزة على ايه؟ انما يؤخرهم ليوم ما فيش ما فيش لا سما ولا ارض ولا ملامح. من اولها المنزر جاي على عينيه. انما يؤخرهم ليوم تشخص فيه الابصار. الكاميرا مركزة على العين بس - 00:15:30

مقطعين على العين. مقنعي رؤوسهم لا يرتد اليهم طرفهم. مركزة على العين تماما ليه؟ عينيها تنطق بكل حاجة هو عايش فيها. عينيها يومها هتنطق بكل حاجة جواه. وكل حاجة بتحصل له من برة عينيها تنطق. ليوم تشخص فيه الابصار زهول. مهضعين مهتعين المهتع زي اللي - 00:15:50

حريقة وبيجري على الحريقة وفي البيت ده اعز الناس عليه. بيجري على الحريقة ومبرق ومش قادر. مش قادر يغمض. لا يرتد اليهم طرفهم مش قادر. وافندتهم هواء وينقلك بعد اهل القلب. قلبه اتخلع من مكانه. وانذر الناس. يوم يأتيهم العذاب. العذاب جاي. مش احنا اللي هو اللي جاي بيستقبل الناس من هنا على باب القبور والعياذ بالله. يوم يأتيهم - 00:16:10

العذاب. العاصي يطلع بدل ما يقول انا صاحبك القرآن يلاقي العذاب واقف له في وشه. وازر الناس يوم يأتيهم العذاب. فيقول الذين ظلموا ربنا. اخرنا الى اجل قريب يا رب عايزين دور ثاني ما فيش دور ثاني في الامتحان ده. اخرنا الى اجل قريب. يا رب عايزين تأجيل ما فيش تأجيل. نجيب دعوتك ونتبع الرسل - 00:16:30

فين الزل شايقين الاستغاثة؟ ده واحد طالع من قبره منظر عيني في الرعب وبعد كده يشوف وشه العذاب يبدأ يستغيس ويتوسل. وبعد كده الايات تخليك انتقل لمشهد ثاني يوم تبدل الارض غير الارض. الارض كلها تتبدل يا رب اللي اتخلقت في ست ايام تتبدل في يوم والسموات وبرزوا لله الواحد القهار - 00:16:50

كل واحد واقف ما حدش يعرف يستخبي ورا الثاني. برزه. كل واحد برز. ما حدش عارف يستتر. ما حدش لاقى حاجة يستخبي فيها. ما حدش لاقى مكان يستخبي فيه. وبرزوا لله. يعني - 00:17:10

مش واقفين قصاد ملاك بيحاسبهم ده قدام الملك الجليل. الواحد القهار. متخيل الرعب ساعتها. وتري المجرمين يومئذ مقرنين في الاصفاد. زعماء المعاصي وائمة الفساد في الدنيا كلها. مقرنين في الاصفاد سراويلهم من قطرات. متغطي جسمهم كله والعياذ بالله عارفين النحاس - 00:17:20

مسفور والعياذ بالله متغطي جسمهم كله بمعادن نارية والعياذ بالله. سراويلهم من قطران وتخشى وجوههم النار. ليجزيهم الله كل نفس ما كسبت. ان الله سريع الحساب. القرآن بيعيشك. آيات زي دي لو دخلت قلبك الليلة وانت بتصلي بسورة - 00:17:40

ابراهيم ما تغير حياتك. ايات زي دي لو دخلت قلبك الليلة هتقلب حياتك هتقلب تصورك. هتزهديك في الدنيا لان القرآن بيربيك ان الدنيا دي سراب. حتى اذا جاءه لم يجدوا شيئا. منظر واحد في الصحراء. هيموت من العطش. حلقه هيتقطع من العطش. وشاف من بعيد مائة بيحسبها مائة هي سراب. طلع يجري يجري وكل ما يجري الصلاة بيبقى - 00:18:00

هو مش قادر يا جماعة من طول وقم قوم انت هتموت من العطش قم عشان ترتوي. قم اتعب شوية وبعد كده ارتوي. قم ويقوم ويجري والسراب يبعد وفي اخر حتى اذا جاءه لم يجده شيئا. ووجد الله صدمة. صدمة وانت بتقرا الايات تحس انك اتصدمت. تحس ان قلبك - 00:18:20

خلع تحس انك انت اتفزع. تحس ان القرآن. القرآن والله العظيم يا جماعة بس مباشر. القرآن لما بيتكلم عن النار والجنة ما بيتكلمش بيتكلم بس مباشر. انت بتتفرج على اهل النار تتفرج على اهل الجنة او القى السمع وهو شهيد. شهيد يعني شهود القلب للآيات. يعني شاشة مفتوحة قدامك - 00:18:40

القرآن غيرني القرآن هيغيرنا يا جماعة ولا لأ ؟ القرآن في رمضان عن صاحبه ثلاثين يوم ليل نهار. ولسه ايام على ما شعبان يخلص ولا لأ ؟ لازم نتغير. لو عندك - 00:19:00

على قد ما في قلبك رغبة انك توصلي لربنا اجتهد في القرآن. على قد ما في قلبك رغبة انك انت قلبك يطهرك تأتي القرآن. على قد ما في قلبك رغبة انك توصلي للجنة اجتهد في - 00:19:10

القرآن على قد ما في قلبك رغبة ان زنوبك تتغفر وربنا يرضى عنك اجتهد في القرآن. على قد ما عندك رغبة ان تربى قلبك وقلبك يتطهرت اجتهد في القرآن على قد ما عندك رغبة انك توصل لربنا وترضى ربنا. وربنا يحبك اجتهد في القرآن. على قد كل اللي في قلوبنا تجاه الله. نجتهد - 00:19:20

في القرآن يا شباب نكتات في القرآن القرآن كتابه واقع القرآن ما بيتكلمش كده كلام وخلاص. القرآن بيتكلم من من الواقع. بيكلمنا من الواقع اللي احنا عايشين فيه. كل سورة بتكلمك وبتكلمك وبتكلمني وبتكلم - 00:19:40

كل صورة القرآن بيكلم الاطفال والكبار والشباب والرؤساء والحكام والوزراء والمدراء والفقراء والاعنياء والجميلة واللي ماتتش حاضر جمال واللي اتجوزت واللي مش متجوزة واللي مبتلى واللي معافى. والغني والفقير القرآن بيكلم الجميع. كتاب واقع. يعني شف شف صورة مسلا زي سورة الواقعة - 00:19:55

سورة الواقعة بتكلم مين ؟ سورة الواقعة بتكلم عبيد المظاهر. عبيد المظاهر الغشاشة. عبيد المراكز. كنت بسمع من فترة ناس قاعدة تتكلم على انا اتخنقت حسيت اني مخنوق هو فيه ناس عبيد مراكز للدرجة ديت ؟ فيه ناس عبيد علاقات عامة للدرجة ديت. السورة بتكلمك على ان - 00:20:15

المقاييس اللي انتم حطيتوها في الدنيا ديت كل ده عند ربنا ما هواش حاجة. كل ده يوم القيامة بيتقلب وبتبقى فيه مقاييس تانية خالص. اذا وقعت الواقعة الواقعة اللي هي الحرب اللي - 00:20:35

خلي العبيد يبقوا حكام. والحاكم يبقى ذليل. الواقعة اللي بتقلب الموازين كلها. اليس لوقعتها كاذبة خافضة رافعة الناس كانت تحت في الدنيا هتترفع فوق. وناس كانت فوق في الدنيا هتنزل تحت مقاييسكم دي ما لهاش اعتبار. ربنا بيقول لك كده. بيقول لك مقاييسكم دي ما لهاش اعتبار عندي. يوم القيامة هتقلب كلها - 00:20:45

عشان كده لما يجيب عزاب اصحاب الشمال واصحاب الشمال ما اصحاب الشمال. في سموم وحميم وظلم يحموم. انت مش واخدة بالك لغاية دلوقتي الايات دي بتوصف ايه دي بتوصف المصيف. باصية في مصيف ايه! بتوت نفس منزر المصيف بتاع الدنيا. مصيف هوا وقدامنا بحر وفوقينا شمسية ظل - 00:21:05

في سموم ادي الهوا ولكن هوا حار وحميم ادي الماية ولكن الماية بتغلي وظل من يحموم ادي الشمسية ولكن دخان النار يعني المترفين اللي في الدنيا عاشوا شهواتهم زي ما هم عايزين ونسوا ربنا ونسوا الدين ونسوا الدنيا كلها. عشان كده الاية اللي بعدها انهم كانوا قبل ذلك مترفين - 00:21:25

الواقعة بتكلم اللي خايقة تلتزم احسن صورتها وسط الناس تتأسر. بتكلم اللي خايف يتوب احسن اصحابه يتكلموا عليهم وقاموا ينزل. بيتكلم اللي خايفين على اعتبارهم لاجتماع للدين اللي خايفين احسن الدين ينزل قطرهم وينزل وضوءهم. احسن لو لبست نقاب وسط صاحباتها وبينتها يتأسر منزلها. احسن لو مسك وسواك وسط اصحابه يبصوا على المنزر ده او قصر - [00:21:45](#)

جلابية وسط اصحابه او ربي لحبته وسط شغله وسط مركزه وسط وضعه الاجتماعي. سورة الواقعة بتقول احزروا الواقعة اللي هتقلب كل الموازين. عش بقلبك معها من دلوقتي هو ده القرآن. القرآن بيخليك بطل. بيخليك قوي - [00:22:05](#)

بيخليك بتطبق السنة وسط ناس ما بتطبقش اي سنة. وانت حاسس انك انت العزيز هم الغلبة. ونظرات الضحك اللي بيضحكوها عليك. انت بتضحك من جواك عليهم قدها الف مرة بيخليك قوي بيخليك متين بيخليك بطل. صورة تانية. سورة زي سورة الطور. سورة التور عارفين بتكلم مين يا جماعة؟ بتكلم اللي فاكرينها لعبة. ما هو كل سورة - [00:22:19](#)

كلم نموزج. بقى انا بقول لك القرآن بيكلمك. كل اية من اخطر الطرق اللي لقيتها بتأسر في قيام الليل. ان انا اقرا القرآن كأن سيدنا جبريل نازل به لية الوقت حالا هو. ان الاية دي جاية لي انا الاية دي بتكلمني انا. الاية دي ربنا باعنتي فيها رسالة لي انا. اقري كل اية على انها رسالة لك. اقرأ - [00:22:39](#)

كل اية على انها رسالة لك. سورة الطور بتكلم مين ؟ سورة الطور بتكلم اللي فاكرينها لعبة. الذين هم في خوض يلعبون. قاعدين في مخض المعاصي هيموتوا الوقت الوقت هينتهوا هيتنسفوا. ولكن فاكرينها لعبة. قاعدين بيلعبوا الذين هم في خوض يلعبون. سورة الطور بتقول لهم ايه؟ بتقول لهم ان عذاب ربي - [00:22:59](#)

كان واقع. ما له من دافع هتدفعه مين ؟ هتدفعه سبع سمات ويقعوا عليكم ازاي ؟ هتدفعوا واحد وتمانين في المية من مساحة الارض اللي هي مساحة البحار اتقلبت نار ازاي ؟ هتدفعوا - [00:23:19](#)

ملائكة السماوات السبع نازلة عشان تقبض عليكم وتحاسبكم ازاي ؟ هتدفعوا قدرة الله ازاي ؟ هتدفعوا ارادة الله زي ما له من دافع يوم تمور السماء مورا. ويجيب لك خد بالك المشهد الاولاني بينه وبين المشهد الثاني خمسين الف سنة. واللاتين يوم القيامة. المشهد الاولاني يوم طابور السماء - [00:23:29](#)

وتسير الجبال سيرا. يوم القيامة لسة في اوله. السما بتمور تمور يعني ايه ؟ عارفين لما تيجي العاصفة بتعمل ايه في التراب وبتطيره ازاي ؟ اهو القيامة هتعمل كده في - [00:23:49](#)

ملكوت بتاع السماوات في النجوم والكواكب بتاع السماوات. وتسير الجبال وربنا يجيب لك السماوات والجبال اشد حاجتين. فويل يومئذ للمكذبين. الذين هم في خوض يلعبون وتلاقي نفسك خمسين الف سنة مرت. ودخلت في الاية اللي بعدها يوم يدعون الى نار جهنم. يوم يدعون الى نار جهنم دعا - [00:23:59](#)

واخذ بالك منظر الملايكة وهي قاعدة تدعوهم للنار. قاعدة تنقلهم للنار. قاعدة تضربهم بالسياط منزر الاقتياد الى جهنم. منزر الطريق الرهيب الى جهنم. منزر الاقتياد الرهيب الى نار جهنم والعياذ بالله. وهم بيدعوا الى نار جهنم وبعد كده اقفوا - [00:24:19](#)

هذه النار التي كنتم بها تكذبون افسح هذا؟ ام كنتم لا تبصرون؟ انت شايف ولا ما انتش شايف وبعد كده فجأة تلاقي الايات قلبت على منظر ثاني احنا في منزر اقتياض رهيب للنار تلاقي فجأة المشهد اتقطع واللقطة اللي بعدها صوت ضحك وصوت بهجة وصوت حفلة عظيمة في الجنة - [00:24:38](#)

حاضرها المؤمنين وحاضرها الملايكة وفيها اللوائم. وحاضرها الخدم وحاضرها العحور والزوجات. منزر رهيب ان المتقين في جنات ونعيم كلوا واشربوا هنيئا بما كنتم تعملون. يا رب ايه المنظر ده! الملايكة بتقول لهم هنيئا وهم متكئين جمب بعض. واللوائم جاية لهم. كذلك - [00:24:58](#)

انهم بحور عين وكل واحد زوجته معه حفلة رهيبة. ما هو كله اخوان يا جماعة اخوانا على السرور المتقابلين. خلاص ما عادش واحد يبص لمرات حد الشهوة دي انتهت. بقت القلوب طاهرة يا جماعة. القلوب - [00:25:18](#)

الطاهرة ياه! ياه على القرآن! ياه على الحياة اللي بيعيشها! اللي بيقرا القرآن! ياه على الجنة اللي بيدخلها! اللي بيعيش حياته مع القرآن

ياه على المشاعر اللي بيعيشها اللي ببسلم قلبه للقرآن. اوصف لكم ايه؟ اوصف لكم ايه؟ الواحد بقى له سنين يا جماعة والله العظيم.
من اول مرة كان له علاقة فيها - [00:25:28](#)

في كتاب ربنا سبحانه وتعالى من اول اعتكاف. من الاعتكاف اللي اعتكفته وانا في سنة رابعة كلية. اول مرة اجرب ان انا اقرا القرآن
صح. ان انا امسك كل اية اقراها ثلاث اربع خمس مرات واعرضها على قلبي - [00:25:48](#)

وجاهدت وسبحان الملك وربنا وله الفضل. طلعت بعدها حسيت ان انا مزهول. ايه ده! انا انا انا لقيت غير اللي انا حاسس فيه جوايا
ده! انا مش ممكن! انا السنين اللي بقى لي ثلاث اربع سنين - [00:25:58](#)

في الالتزام ديت. انا انا انا ما اكتشفتش القرآن؟ كان اول مرة اكتشف القرآن في حياتي. كان اول مرة اكتشف القرآن بغير قد ايه؟
بينور طريقك قد ايه؟ كان اول مرة اكتشف القرآن بقلب حياتنا دي ومن يومها لغاية دلوقتي. وده رسالة عمري، ورسالة حياتي.
وطريق حياتي. عايز شحن اهو. عايزة ايمان اهو - [00:26:08](#)

عايز بصيرة اهو. عايز كتاب يحل لك مشاكلك اهو. عايز كتاب تحكم به حكام الامة اهو. عايزين ايه؟ عايزين ايه؟ عايزين تغيير. اهو
التغيير اهو القرآن غيرني. القرآن غيرني يا جماعة. القرآن غير كل حاجة فينا. القرآن كتاب بيكلم الواقع. القرآن كتاب بيعيشك ان ربنا
- [00:26:28](#)

وتعالى اغلى حاجة في حياتك. تسبب اي حاجة عشانه. المنزر بتاع سيدنا ابراهيم في سورة الصافات. ربي هب لي من الصالحين.
خلاص يا رب الارض فسدت. الناس ضلت الناس ضاعت يا رب. يا رب انا عايز ذرية جديدة تنشى التوحيد من جديد يا رب. بشرناه
بغلام حليم. فلما بلغ معه السعي لما ايه؟ بلغ. لما حلم حياتك بقى - [00:26:48](#)

قدام عينك. لما الحلم بتاعه ابنه بقى قدام عينه بلغ معه. رايح معه جاي معه. راجل ساند ابوه. مش طفل وخلاص. لا من وهو صغير
وهو راجل السعي. القرآن ما جابش ولا مرة كلمة السعي على الدنيا. السعي دي ما تجيش غير معك. اخرة بس. غير مع الجهد بتاع
الاخرة بس. القرآن يا جماعة بيجيب كلمة السعي دي اساسا - [00:27:08](#)

اساسا اساسا مع مع الاخرة بس. عشان كده بلغ معه السعي. يعني بقى شغال معه في الدعوة. بقى شغال معه في العبادة. بقى شغال
معه في انقاز الناس من النار. خلاص - [00:27:28](#)

هيبقى راجل ويقف معي في ساندي في دعوتي. فلما بلغ معه السعي قال يا بني اني اري في المنام. كل ما انا ام اشوف بدبحك. هي اي
اني اري في المنام اني اذبحك. يا رب يا رب آآ ابني ولا ربنا. ربنا. روي قول لربنا ربنا. اي حاجة ربنا اغلى منها - [00:27:38](#)

اي حاجة هتتشال من حياته ويتحط ربنا مكانها. انا الكسبان. انا الكسبان. فانظر ماذا ترى. شايف ايه؟ قلبه بيتقطع على ابنه. وابنه
قلبه بيتقطع على ابوه يا في كلمة كلها حنان ورحمة يا ابت افعل ما تؤمر هتعمل ايه يا اسماعيل؟ ستجدني ان شاء الله من الصابرين.
هاصبر هتصبر اسماعيل هاصبر هتصبر على السكينة على رقبتهك - [00:27:57](#)

اسماعيل هصبر. هتصبر على الدبح يا اسماعيل هصبر. انا مش بقول لك اصبر. اصبر على انك تسبب آآ معصية ولا تسبب معصية.
اصبر على طاعة. لا ده انا بقول لك اصبر على - [00:28:17](#)

ابراهيم بيعرض على اسماعيل الصبر على الدبح يا جماعة. وهو بيقول له اصبر. فلما اسلم خد السكينة وخد ابنه وطلعم. وزوجته
بتبص هيعملوا ايه مش عارفة مسكينة مش عارفة مش فاهمة ايه اللي هيجصل بس حاسة ان فيه حاجة. حاسة ان فيه حاجة قلقاها
وياخد ابنه ويفضلوا طالعين لغاية ما يوصل لمكان بعيد يحطه على وشه عشان ما - [00:28:27](#)

ويشوف وهو بيدبحه ويبدأ يحط السكينة على رقبته. وبقلب الاب عايز يخلص عشان امر ربنا ينفذ. ويبدأ يودي السكينة ويجيها.
ويوديها ويجيها مستني يشوف ده ما فيش دم مستني قلم ابنه او ابنه يقول اه ما فيش اه. مستني يحس ان السكينة بتدخل ما
بتدخلش. يزود ما فيش. وفجأة وانا هديناها - [00:28:47](#)

وناديناه ان يا ابراهيم قد صدقت الرؤيا ويفدي ربنا سبحانه وتعالى بكبش سيدنا اسماعيل. كأن ربنا بيقول له انتم فاكرين ان انا كنت
هسيبكم ان انا كنت هسيبك تدبحه. انتم فاكرين ده انا ارحم بكم من نفسكم. ده انا ارحم بكم من ارحم الناس بكم. ده انا ارحم

فاكرين ان انا كنت اسيب اسماعيل يتدبح ولا ايه! ولا ايه! سبحانك يا رب! القرآن بيريك انك تسبب اي حاجة في اي وقت عشان ربنا سبحانه وتعالى ان في اي وقت تقدر تسبب اي حاجة عشان الملك الجليل العظيم سبحانه وتعالى - 00:29:27
ربنا يا جماعة على تغيير حقيقي. تغيير شامل وكامل في حياتنا. لما بيكلمنا عن اول يوم في الجنة. اول يوم في الجنة تخيلي كده.

اول يوم في الجنة في سورة الزخرف - 00:29:43

سورة الزخرف سورة بتوع الزخارف. صورة بتوع زواق. صورة من صور عبود المظاهر. صورة من اللي بتكلم الناس يا مخدوعين فوقوا. بتجيب لك اول يوم في الجنة عشان تجيب لك النعيم الحقيقي - 00:29:53

ان اصحاب الجنة اليوم في شغل فاكهون هم وازواجهم. اليوم ده في سورة ياسين. سورة الزخرف جايبة لك المنظر يا عبادي. لا خوف عليكم اليوم النهاردة خلاص ولا انتم تحزنون. منظرهم تشوفهم كأنك شايفهم على باب الجنة. قاعد يبص وراه. وقاعدة تلتفت وراها. لسه معديين من على الصراط. بقى لهم خمسين سنة واقفين في على صوت - 00:30:03

القيامة. مش مصدقين ان الجنة اخيرا هيدخلها من غير ما يطلع حاجة جديدة. خلص من القبر وحساب القبر طلوعوا لقوه قيامة. طلوعوا من القيامة لقوا حساب الملكين. لقوا حساب الملائكة. طلوعوا من حساب - 00:30:23

الملائكة لو العرض على الله طلوعوا لقوا الميزان طلوعوا لقوا الصراط. عدوا لقوا القنطرة عدوا مش مصدقين ان كل ده خلص. ان ما عدش فيه امتحانات. ان اللجان خلصت. ربنا بيقول لهم لا خوف - 00:30:33

عليكم اليوم ما تخافوش ولا انتم تحزنون. ما عدش حد يبص وراه. ما عدش فيه قلق ما عدش فيه خوف. ادخلوا الجنة انتم وازواجكم تحبون يطاف عليهم بصحاف من ذهب واكواب. اهل الجنة فرحانين بهم فرح رهيب. قاعدين يجيبوا لهم ولائم. وحفلة جواز على باب الجنة انتم - 00:30:43

تؤمرون وبعد كده الولائم والحفلات. وبعد كده وتلك الجنة التي اورثتموها. رحلات في املاكهم في الجنة الملائكة تفرجهم عليها. رحلات وحفلات وولائم واقراص. ايه ده! ايه يا رب ده! ايه النعيم ده! القرآن بيعيشك عيشة ما فيش بعدها. بس لو دخلنا بقلوبنا. بس لو - 00:31:03

ابتدينا بقلوبنا بس لو عشنا مع القرآن بقلوبنا القرآن بيرعبك القرآن بيرعبك انك تسيبي ربنا. القرآن بيرعبك انك تبدل مع ربنا. القرآن بيرعبك انك تسيبي الملك الجليل وتدي له ضهرك. رعب رهيب. ازاى؟ القرآن بيصورك - 00:31:23

واتل عليهم نبأ الذي اتيناه اياتنا. اهو القرآن اهو القرآن اهو ياه بنات امة محمد. القرآن اهو يا شباب امة محمد انا اهو يا رجاله ونساء امة محمد اهو اتيناه اياتنا اهو - 00:31:37

فانسلخ منها انسلخ منها اتسلخ كانه اتسلخ من جلده بالزبط. قصة بلعام ابن بعراء في سورة العرب بترعبنا ليه يا جماعة؟ لانها قصة واحد حول. حول من طريق اصل اللي بيسبب ربنا ده واحد حول - 00:31:52

حول من طريق اخرج الجنة لطريق اخره نار. حول من طريق مليون ملايكة رحمة لطريق مليون ملايكة عزاب. حول من طريق عداد الحسنات شغال ليل نهار لطريق عداد السيئات شغال ليل نهار - 00:32:04

ولما حول اتنكس. لما حول انسلخ منها فمثله كمثل الكلب. زي الكلب المسلوخ اللي ماشي قاعد يلهث. قاعد يدور على مائة ما فيش حاجة ترويه. كان كلام ربنا هو اللي هيروي قلبك وهيروي حياتك. منزر فطيع. واول ما وقع اتبعه الشيطان. الشيطان الشيطان اتلم عليه. والشياطين فكان من الغاويين - 00:32:14

شلة المعصية اتلمت عليه ضيعوه. منزر انسان اتنسف. منزر انسان اتدمر ليه؟ لانه ساب ربنا. صم بكم عمي فهم لا يرجعون. يعني ايه يعني حفرة نار اهي وواحد ماشي هيقيق فيها. طب المفروض عشان ينجو منها يحصل ايه؟ انه يبقى بيشفوف فيشفوها. لأ ده عمش. طب انه يبقى بيسمع فلما حد يحزره يقول له - 00:32:34

بيسمع ده ما بيسمعش ده اصم طب ان هو حتى يخاف احسن يكون فيه حاجة فيقول يا ناس فيه حاجة ولا ايه فيه خطر ولا ايه

فيتكلم لأ ده ابك صم بكم - 00:32:54

وهم لا يرجعون ما عدش فيه امل. نسبة النجاة بقت صفر في المية. بقت مستحيل. بقت مستحيل ان هو يقدر يرجع ثاني. ليه؟ لانه انتكس. لانه ساب ربنا بيرعبك. القرآن بيرعبك انك تسيب ربنا. القرآن بيرعبك انك تسيب طريق ربنا سبحانه وتعالى. القرآن بيرعبك ان يبقى في حياتك اي حاجة اغلى من ربنا. اي حاجة - 00:33:05

اغلى من الملك الجليل سبحانه وتعالى. شوفوا يا ناس. شوفوا يا ناس في القرآن عملت ايه عشان ربنا. شوفوا يا ناس الناس في القرآن جاهدت قد ايه عشان ربنا. شوفوا يا شباب - 00:33:27

الرجالة تعبوا قد ايه عشان ربنا. شوفوا سيدنا ابراهيم وواقف يتدبر في الملكوت. فلما شن عليه الليل رأى كوكبا. فضل يتابع الكوكب لغاية الصبح. طب يا ابراهيم روح طب يا ابراهيم قل لأ لما اوصل لربنا. طب يا ابراهيم ارتاح لأ. لما اوصل لربي. لما اوصل لربي اللي بيحبني وبجبه. فلما جنى. فلما رأى القمر بازغا - 00:33:37

خلاص طب يا ابراهيم انت تدبرت في القمر. والكون قمر قفل. خلاص روح لأ. طب استريح لأ طب نام لأ طب قل لأ طب اشرب لأ امل هتعمل ايه فلما رأى - 00:33:57

قال هذا ربي يا ابراهيم ده انت طول الليل سهران بتتدبر لأ لغاية المغرب يتدبر كمان في الشمس اربعة وعشرين ساعة لا نوم ولا اكل ولا شرب زي سيدنا موسى في سورة الكهف لا ابرح حتى ابلغ مجمع البحرين. لا ابرح حتى ابلغ ربنا. حدد لي المهمة بتاعتني. انا مش هرتاح. انا مش هنام. انا لا ابر - 00:34:07

لا ابره حتى ابلغ رمضان. لا ابرة حتى اجيب الثلاثين يوم تراويح فيه. لا ابرح حتى اصوم الثلاثين يوم واقوم الثلاثين يوم واتهجد الثلاثين يوم. لا ابرح في العشرة الاواخر اعتكاف كله ايمان ورجولة وبطولة. لا عبر حتى اعيش كل لحزة في رمضان في الطاعة. دعني استمتع بشبابي اللي عبد الله - 00:34:27

آ عبد الله بن عمرو بن العاص قالها لرسول الله. يا رسول الله سبني اصلي واصوم واقوم ليل نهار. تعاونا نستمتع بربنا. عايزين رمضان قمة المتعة. عايزين رمضان قمة البهجة. عايزين رمضان كله متعة في طاعة ربنا سبحانه وتعالى يا شباب. عايزين نعيش رمضان. عايزين نعيش مع رمضان ونعيش احلى عيشة واعظم عيشة في - 00:34:47

رمضان رمضان غيرني. رمضان غيرنا كلنا. رمضان غيرنا ليه؟ واول حاجة بتغيرنا في رمضان القرآن. القرآن الكريم. القرآن العظيم. القرآن يا جماعة. القرآن بيرعبك انك تقول لربنا لأ. القرآن بيرعبك انك تبدل مع ربنا سبحانه وتعالى. انا عايزك تركزي - 00:35:07

الاية دي فبدل الذين ظلموا منهم قولا غير الذي قيل لهم اليهود فارسلنا عليهم رجلا من السماء بما كانوا يظلمون. وقفت اسمع الاية في صلاة المغرب قلت يا رب يا رب ليه رجلا من السماء؟ لو قلت رجلا بما كانوا يظلمون كانت عدت. ليه من السماء يا رب؟ بصيت للآيات اللي قبلها لقيت ان ربنا اتكلم في الآيات اللي قبلها - 00:35:23

عن المن والسلوى اللي نازل من السما وعن الظلال والغمام اللي صليت عليهم من السما قلت يا الهي كأن ربنا بيقول لهم السما اللي كانت امبارح بتجيب لكم النعم النهاردة هتنزل رجس. بصيت في اول الاية قل ليه؟ لقيت اول الاية فبدل الذين ظلموك. لما بدلوا ربنا بدل عليهم. ربنا بدل - 00:35:43

يبقى مصدر الامن يبقى مصدر رعب في حياتك. مصدر الطمأنينة يبقى مصدر بعد ما كانت مراتك وولادك وكل حاجة مصدر رحم ومصدر عزاب. بعد ما كان مدير الشغل بيحميك ومدير الشغل بيوقف يدافع - 00:36:03

هو اللي يستقصدك في الشغل. بعد ما كانت الدنيا كلها معك الدنيا كلها تبقى عليك. لو خسرت ربنا خسرت كل حاجة. لو كسبت ربنا كسبت كل حاجة. لو طبعنا ربنا انت مع كل قوة في الكون كله. لو انت ما نتاش مع ربنا انت بتواجه انتقام لقوة الكون كله. عايزين نحسبها صح. عايزين نعرف احنا حاطين رجلينا فين - 00:36:13

شباب عايزين نعرف احنا حاطين رجلينا فين يا اباها يا امهات يا رجالة. يا اطفال يا اللي انتم الصحابة وهم في سنكم كانوا بيفتحوا العالم. وكان الامام في قلوبهم زي الجبال. ليه يا جماعة؟ ليه يا جماعة؟ ليه ما نعيش في حنة مع القرآن؟ ليه ما نخليش حياتنا كلها

لكتاب الله؟ ليه ما نعيش جنة القرآن؟ ليه ما ندخلش - 00:36:33

مش الجنة الوارثة العظيمة بتاعة القرآن. قدامنا اهو حوالي اسبوع على رمضان بازن الله سبحانه وتعالى. وتلاتين يوم في رمضان مع كلام ربنا. وكتاب ربنا العظيم الجليل رمضان غيرني رمضان غيرني ليه؟ عشان القرآن رقم واحد. رمضان غيرني عشان الدعوة. الدعوة تاني حاجة هتغيرك في رمضان. لما تشتغلي في الدعوة. لما تدعي صحباتك. لما تدعو اصحابك. رمضان - 00:36:53

الدعوة فيه ابسط مما نتخيل يا جماعة. الدعوة فيه تعالى تراويح ماشي تعالى تهجد ماشي. تعالى. تعالى عاملين فطار لنا مع بعض ونسمع بعدها درس ماشي. رمضان يا جماعة الدعوة فيه اسهل ما تكون يا جماعة. الناس كلها عايزة تسمع خد الشريط ده اسمعه ماشي. خد يا عم صاحب الميكروباص الشريط ده شغله حاضر. الناس كلها عايزة - 00:37:15

عزة دين عايزة ربنا. اللي يشتغل في الدعوة في رمضان هو اللي هيتغير تغيير رهيب. الدعوة عارفين الدعوة هتغيره ليه؟ لانه اجتهد ان الناس تتغير. فرينا شكور فرينا هيغيره. كل كلمة قلتها للناس عشان الناس تهتدي. ربنا هيقذف نورها في قلبك. زي اللي بيغسل طبق. الطبق مش نضيف. اول حاجة بتنصف ايه - 00:37:35

واكثر حاجة بتنصف ايه ايد. ليه؟ هو اللي بيغسل الطبق سبحان الله! مش الطبق بس اللي بينصف يا جماعة! راحوا لواحد مثل ضرب مثل فاستمعوا له. راحوا لواحد قالوا له انت يعني زو وجاهة زو وزو احنا عايزينك تتعين سفير. سفير! سفير يعني وظيفة خطيرة. يعني رعاية مصالح الدولة في الدول الاجنبية. قال لهم - 00:37:55

بس والله ده ده شرف بس انا ما اقدرش. قالوا له ليه؟ قال لهم لان انا آآ انا باشتغل عشان اصرف على بيتي وولادي. لو انا سبت شغلانتي هاصرف على بيت اولادي مينين؟ وفي نفس الوقت انا بيني وبين الناس - 00:38:15

نزاعات وخصومات. لو انا ما فضيتلهاش الناس تاكلني وتاكل حقي. وولادي بوديهم المدرسة كلهم وباجبيهم. مين اللي يوديهم؟ ومين اللي يجيبهم غيري؟ انا ما اقدرش والله لان انا مشغول. قالوا له بس كده - 00:38:25

تحت امرك. الفلوس هنديك مرتب الوفات ومش بالمصري بالدولارات. اولادك عربية مخصوص عليها هيئة دبلوماسية هتوديهم المدرسة وتجيبيهم. بيسوقوا مخصوص وانت قاعد في مكتبك. الطائرة هتركب طائرة درجة اولى انت وولادك رايح جاي. كل حاجة هتبقى تحت امرك. اللي بينك وبينهم منازعات بمكالمة واحدة - 00:38:35

كل المنازعات تخلص في مصلحتك. ليه؟ عشان رعاية مصالح الدولة اهو اللي بيدعو الى الله وزيفته ايه؟ سفير لربنا سفير عن الملك الجليل عن دين ربنا. لرعاية مصالح الدعوة. لرعاية مصالح ربنا هيكفل لك كل حاجة. هيكفل في كل حاجة - 00:38:55

هيكلي لك ما عندكش احتياج في حياتك. ربنا هيكرمك هيرفعك هيعليك. ربنا بيقول للنبي الم نشرح لك صدرك ووضعتنا عنك وزرك. ورفعنا لك ذكرك. فتحنا هناك فتحة مبينا. ليغفر لك الله وينصرك نصره. ايه يا جماعة كل ده عطاءات اللي شغال في الدعوة؟ كل ده يا جماعة عايزين نتغير في الدعوة في رمضان. رمضان غيرني - 00:39:15

رمضان غيرني بصنائع المعروف. رمضان غيرني بان انا اشتغلت في كفالة اليتامى والاسر الفقيرة في رمضان. رمضان ابو الدحاح دفع ستميت نخلة عشان ياخذ نخلة في الجنة. هتدفعوا قد ايه للفقراء والمساكين في رمضان عشان الجنة؟ عايز ربنا يوم القيامة يقول لك عبيدي. استقرضتك فلم تقرضني؟ من ذا الذي يقرض الله؟ قلت لك - 00:39:35

ده لو واحد غني قال لك اديني سلفني هتسلفه على طول ليه؟ ضامن انه هيسد لك غني وعايز تتقرب له. ربنا قال لك سلفني قال لك اقرضني سبحانه وتعالى اقرضني ازاي يا رب ادي لمين - 00:39:55

الفقير دهو ادي للمسكين دهو ادي للارملة دهو ادي للمحروم دهو ادي للمريض دهو ادي للمريض الفشل الكلوي ده ومريض السرطان ده ومريض الكبد ده ادوا لهم غرقوا اللي معكم كله عندي كله هتلاقوه عندي. رمضان غيرني بصنائع المعروف. رمضان غيرني بالدعاء اكثر شهر بندعي فيه. قبل الفطار بندعي. في التراويح بندعي. في - 00:40:05

التهجد والتلت الاخير بندعي. رمضان غيرني في رمضان غيرنا. عايزين نتغير في رمضان يا شباب. انا اتكلمت معكم النهاردة عن رمضان بازن الله. الدرس الجاي درس رمضان الكبير بقى ان شاء الله بازن الله. درس الجاي زلزال رمضان - 00:40:25

الدرس الجاي رمضان عشرة ريختر. الجمعة الجاية بازن الله سبحانه وتعالى. هنتقابل وهنشوف برنامج رمضان ايه. واثرت ان الدرس يبقى بـرمضان بيومين بازن الله. عشان ندخل رمضان مين اخر شحنة؟ هنتزلزل مع رمضان النهاردة رمضان غيرني. المرة الجاية رمضان زلزلني بازن الله سبحانه وتعالى. عايزين نستعد للدرس لأ لرمضان يا حبيبي - [00:40:39](#)

لرمضان مش للدرس. عايزين نستعد يا رجالة. ان شاء الله معنا في رمضان ان شاء الله بازن الله سلسلة على فين يا شباب؟ كل يوم بازن الملك بعد الفطار. السلسلة دي موجهة - [00:40:59](#)

كل المنقبة اللي نايمة في بيتها والملتحي الكسول واللي مش راضي يلتزم واللي مش راضية تتحجب. والشباب موجهة لكل الشباب بازن الله سبحانه وتعالى. وموجهة للاباء ليه عشان نرجع لهم شبابهم ان شاء الله. بازن الله سبحانه وتعالى. عايزين نشغل مع بعض. نبقي فريق واحد. عايزين رمضان ده يبقى دعوة الشباب الغير ملتزم بكل قوة. على انت وفي الواقع وفي - [00:41:09](#)

الشوارع وفي المصايف وفي كل مكان يا جماعة عايزين نتغير. عايزين رمضان ده يبقى رمضان تغيير حقيقي. ان شاء الله بازن الله سبحانه وتعالى. قبل ما اسبيكم شنطة رمضان ما ينفعش - [00:41:29](#)

نعلن عنها الجمعة الجاية لان يعني يعني خلاص هيبقى رمضان لسة عليه يومين. فانا ان شاء الله لقيت جمعيتين من الجمعيات بازن الله النشيطة جدا. اللي بتوصل معونات رهيبة للاسر - [00:41:39](#)

بفضل الله. انا عايز اديكم بسرعة محمولك بسرعة اكتبوا النمرتين بتوع الجمعيتين. بسرعة اكتبني بسرعة هاتي ورقة وقلم بسرعة معي. اللي بيحفز بسرعة يحفز يا جماعة. جمعية في المنصورة عندنا - [00:41:49](#)

وجمعية في القاهرة عشان اللي قريب من هنا يروح هنا واللي قريب من هنا يروح هنا. عشان يا جماعة رمضان يغيرنا بصنائع المعروف. عشان شنطة رمضان للناس الجعانة يا اخواننا - [00:41:59](#)

الجمعية الاولى اللي هي الجمعية المنصورة جمعية العدل والاحسان. خدوا معي صفر عشرة ستة خمس تمنيات اربعة. صفر عشرة ستة خمس تمنيات اربعة. كل لقمة هتتحط في بق فقير في ميزانك. عند الملك الجليل. الناس الفقرا دول في رقبة مين؟ اللي مش لاقيين - [00:42:09](#)

في رقبة مين؟ اللي انتقلوا في فرن العيش عشان العيش في رقبة مين؟ اللي انتحر وولع في نفسه عشان مش عارف يجيب لولاده مصاريف المدارس في رقبة مين؟ يلا يا رجالة. يلا يا رجالة صفر عشرة - [00:42:31](#)

ستة خمس تمنيات اربعة. دي العدل والاحسان. مشروع شنطة رمضان ان شاء الله. ما جمعية منابر النور في القاهرة من الجمعيات العزيمة ربنا يبارك في القائمين عليها يا رب اللهم امين - [00:42:41](#)

منابر النور صفر عشرة دي في القاهرة بقى جمعية القاهرة صفر عشرة ستين ثمانية وثمانين صفر اربعين صفر عشرة ستين ثمانية وثمانين صفر اربعين. يبقى جمعية المنصورة العدل والاحسان وجمعية القاهرة منابر النور. واتمنى ان انا يجي اليوم اللي يتعاون فيه مع كل - [00:42:51](#)

ولكن دول اللي اعرفهم لغاية دلوقتي يا جماعة. دول اللي اعرفهم وانا عايز اخدم اخدم دين ربنا ولو بخطوة. ده الشبر الاولاني اللي بحاول اقدمه في صنائع المعروف. اللي بحاول استغل - [00:43:14](#)

الدعوة من خلال منبر الدعوة ان انا اخلي الناس تشتغل في صنائع المعروف. يمكن ربنا يرحمني ويعفو عني. ويعفو عنا كلنا. ونبقى امة بلا يتيم بلا فقير رمضان غيرني. كنا مع بعض النهاردة في اخطر موسم تغيير. عايزين نستعد له. عايزين القرآن يغير حياتنا. عايزين نطلع بعد الحلقة على القرآن يا شباب - [00:43:24](#)

عايزين ننطلق على ربنا بقى. يلا يا رجالة. يلا يا اللي عايزين تتغيروا. يلا يا اللي عايزين توصلوا لربنا. اعزم موسم للتغيير جاي. اللهم بلغنا رمضان. الله اللهم بلغنا رمضان اللهم اعنا فيه على ذكرك وشركك وحسن عبادتك. اللهم استعملنا فيه في طاعتك ليلا ونهارا. اللهم لا تحرمنا من فضلك الواسع العظيم - [00:43:44](#)

عظيم فيه يا رب. اللهم بلغنا ليلة القدر واجعلنا فيها من الفائزين. اللهم شرفنا ومن علينا بطاعتك. استعملنا ولا تستبدلنا. اقمنا على

مرادك منا. يا رب اصلحنا وجهنا ارفعنا اعنا. علمنا وجهنا فهمنا يا رب. يا رب ما لناش غيرك يا رب - 00:44:04
يا رب سدنا. يا رب اعمر حياتنا بطاعتك. غير قلوبنا. اصلح قلوبنا. اصلح احوالنا برحمتك. يا ارحم الراحمين سبحانك اللهم وبحمدك
اشهد ان لا اله الا انت. استغفرک واتوب اليك. وجزاكم الله خيرا. يلا على المصحف يا رجالة - 00:44:24
- 00:44:46